

Հետազոտական աշխատանք

<p>Կազմակերպության տվյալներ</p> <ul style="list-style-type: none"> • Անվանում, հասցե • Տնօրեն • Էլ.հասցե • Հեռախոս 	<p>«Մասնակցային դպրոց» կրթական հիմնադրամ Վահրամ Սողոմոնյան masnakayindproc@gmail.com +37493581908</p>
<p>Հետազոտության թեման</p>	<p>Ինքնուրույնության ձևավորումը 4-րդ դասարանում <<ՄԱՏԵՆԱԴԱՐԱՆ>> թեման ուսուցանելիս</p>
<p>Ուսուցչի տվյալներ</p> <ul style="list-style-type: none"> • Անուն, ազգանուն, հայրանուն • Մասնագիտություն • Հեռախոս • Էլ. հասցե • Դասավանդվող 	<p>Մերի Ալֆրեդի Սարգսյան Մայրենի 094443939 maryalfa107@gmail.com</p>
<p>Ուսումնական հաստատության տվյալներ</p> <ul style="list-style-type: none"> • Անվանումը, հասցե • Հեռախոս • Էլ. հասցե (տնօրենության) • Web կայքի հասցե 	<p>Ա.Պուշկինի անվան թիվ 8 հիմնական դպրոց Մոսկովյան 17 010-564931 pushkinschool8@mail.ru</p>

Բովանդակություն

Ներածություն	3
Հիմնական բովանդակություն	4
Եզրակացություններ, առաջարկություններ	5
Օգտագործված գրականության ցանկ	6
Հավելվածներ	7

Ներածություն

<p>Նպատակը և հետազոտական հարցը</p>	<p>Նպատակը՝ հետազոտական աշխատանքի միջոցով աշակերտների հետ բացահայտել Մատենադարանի գաղտնիքները: Թեմայի ուսումնասիրության ընթացքում ցույց տալ աշակերտների ներգրավվածությունը, ինքնուրույնության դրսևորումը, արժեքային համակարգը:</p> <p>Հարցը հետևյալն է՝ Ի՞նչ մեթոդներով կարելի է ձևավորել սովորողի ինքնուրույն գործունեությունը 4-րդ դասարանում:</p>
<p>Ո՞ր առանցքային կոմպետենցիային/կարողունակությանն է ուղղված նպատակի ուսումնասիրությունը</p>	<p>1) լեզվական գրագիտություն և կարողունակություն</p> <p>2) մշակութային կարողունակություն</p>
<p>Հետազոտության թիրախային խումբը և շրջանակը /քանակ, սեռային բաշխում/</p>	<p>4-րդ դասարան 18 աղջիկ 17 տղա</p>
<p>Օգտագործված հետազոտական մեթոդները, գործիքները</p>	<p>Հետազոտական մեթոդը՝ <i>դիտում:</i></p>

<p>(օրինակ՝ քանական հետազոտություն՝ հարցաթերթիկի միջոցով, որակական հետազոտություն՝ խորին հարցազրույցի միջոցով և այլն)</p>	
<p>Հետազոտության իրականացման ժամանակահատվածը</p>	<p>20. 07. 23- 20. 09. 23</p>

Հիմնական բովանդակություն

<p>Գրականության ակնարկ</p> <ul style="list-style-type: none"> • Մեջբերումներ արդեն արված հետազոտություններից, • Մեջբերումներ գրականությունից, տեղեկության վստահելի աղբյուրներից: <p><u>Պարտադիր է կատարել հղում աղբյուրին</u></p>	<ol style="list-style-type: none"> 1. Դ. Գյուրջինյան, Ն. Հեքիքյան. «Մայրենի 4» դասագիրք https://lib.armedu.am/files/resource/files/2023-07-10/248f801333a87cd6488dc54d43608de3.pdf 2. https://multiurok.ru/files/ink-nowrowynowt-yan-dzevavorowme.html

Հետազոտության ընթացքը

«Երեխան ունի իր առանձնահատուկ տեսնելու, մտածելու և զգալու ունակությունները: Չկա ավելի հիմար բան, քան փորձել փոխարինել դրանք մեր ունակություններով»:

Ժան Ժակ Ռուսո

Ինքնուրույնության ձևավորման նախապայմանը ազատությունն է: Որպեսզի աշակերտն ինքնուրույն ուսումնական գործունեություն ծավալի, նրան անհրաժեշտ է այդ հնարավորությունը տալ:

Ինքնուրույնության գաղափարի համատեքստում ուսուցչի համար կարևոր խնդիր է դառնում ուսուցման գործընթացն աստիճանաբար ինքնուսուցման գործընթացի վերածելը: Ինքնուսուցման պարագայում սովորողն ինքն է կազմակերպում, կարգավորում և հսկում իր իմացական գործունեությունը: Ինքնուրույն ուսումնական աշխատանքները լավագույնս կարելի է իրականացնել ուսումնական գործընթացը մասնակիորեն հետազոտական գործընթացի վերածելով:

Այժմ բոլոր ոլորտներում, ինչպես նաև կրթական համակարգում, զարգացման տեմպերն արագանում են: Աշակերտներին պետք է տալ հիմնարար գիտելիքներ և սովորեցնել ինքնուրույնություն: Այն պետք է դառնա առանձնահատուկ կարողություն, անձնային որակ: Ինքնուրույնությունը սեփական կյանքը կազմակերպելու, հոգևոր ու մտավոր կյանքը գիտակցելու, գնահատելու, իր զարգացման ուղին գտնելու ընդունակություն է:

Երեխայի ինքնուրույնությունը զարգանում է աստիճանաբար, քայլ առ քայլ, դասից դաս, դասարանից դասարան: Իմ աշխատանքային փորձը վկայում է, որ ճիշտ ու համակարգված ինքնուրույն աշխատանքի արդյունքում սովորողն ավելի խորքային գիտելիք է ձեռք

բերում, քան այն դեպքում, երբ ուսուցիչն ինքն է պատրաստի գիտելիքը մատուցում: Ինքնուրույն աշխատանքի շնորհիվ նորը ճանաչելու ցանկությունն է առաջանում, որն էլ նպաստում է ինքնակրթության ու ինքնակատարելագործման, գործնական կարողությունների և հմտությունների, ճանանաչողական ու ստեղծագործ ունակությունների, ազատ մտածողության ձևավորմանն ու զարգացմանը:

Այսպիսով, ինքնուրույն աշխատանքի համակարգված կազմակերպմամբ հնարավոր է հասնել այն բանին, որ երեխաները ճկուն և խորը յուրացնեն հասկացությունները, օրինաչափությունները, դաստիարակել նորը ճանաչելու ցանկություն և զարգացնել այն կարողությունները, որոնք պարտադիր են ինքնակրթության և

ինքնակատարելագործման համար: Պետք է մշտապես հիշել, որ ոչինչ հաստատուն չէ, բացի փոփոխությունից, քանզի ինքնուրույն աշխատանքի կազմակերպման ձևերն ու մեթոդները ևս կապված են հասարակական կյանքի պատմական զարգացման հանգամանքների և մանկավարժական նորագույն փորձի ու նվաճումների հետ:

Սովորողների ինքնուրույն աշխատանքի կազմակերպման ձևերը

Մեծ նշանակություն ունի ինքնուրույն աշխատանքը կրտսեր դպրոցականների ուսուցման գործընթացում: Տարրական դասարաններում գործունեություն ծավալելու կարողության ձևավորումը, իսկ այն հնարավոր է իրականացնել սովորողների ինքնուրույն գործունեության արդյունավետ կազմակերպման միջոցով: Ինչպես ցույց են տվել ուսումնասիրությունները, սովորողների ինքնուրույն աշխատանքն ունի որոշակի

կառուցվածք: Այն իր մեջ ներառում է վեց հիմնական փուլեր.

1. **կազմակերպչական.** Սա երեխաների աշխատանքային միջավայրի նախապատրաստումն է:

2. **բառարանների, հուշաթերթիկների բաշխում,** որոնք անհրաժեշտ կլինեն աշխատանքի ընթացքում: Աշխատանքային միջավայրի նախապատրաստումը կարևորագույն պայման է արդյունավետ ինքնուրույն աշխատանքի կազմակերպման համար:

3. **նախապատրաստական.** Այս փուլում ուսուցիչը սովորեցնում է կամ մեկ անգամ ևս հիշեցնում է երեխաներին հանգիստ նստել, չխանգարել իր ընկերներին, պահպանել լռություն և կարգուկանոն, ուշադիր աշխատել, ինքնաստուգում կատարել և այն, այսինքն՝ այն ամենը, ինչը կապահովի աշխատանքի արդյունավետությունը:

4. **կողմնորոշիչ.** Այս փուլում ուսուցիչը սովորեցնում է առաջադրանքի բովանդակությունը: Նա ստանալով առաջադրանք՝ ընթերցում կամ վերընթերցում է պայմանը, դիտարկում է առարկան կամ գծագիրը, ընթերցում է տեքստը և այլն: Այս փուլի ընթացքում սովորողն իմաստավորում է առաջադրանքը, առանձնացնում է, թե ինչ է տրված, թե ինչ պետք է իմանալ կամ կատարել, ինչպիսի գիտելիքներ և գործողություններ են պահանջվում աշխատանքի կատարման համար: Երեխաները ծանոթանում են հուշաթերթիկի բովանդակությանը: Բացի դրանից, այս փուլում, ուսուցիչը կարող է բաշխել աշխատանքի պլանը: Պլանը կարելի է գրառել նաև գրատախտակին: Գրատախտակին փակցվում է նաև թեմայի շուրջ մշակված պաստառները, սխեմաները և այլն: Այս փուլում ձևավորվում է ուսումնական աշխատանք ծավալելու կարևորագույն

կարողություններից մեկը՝ աշխատանքի համար կարևոր նյութեր ընտրելու կարողությունը:

5. **հիմնական փուլ**. Այս փուլում կատարվում է ինքնուրույն աշխատանքը:

6. **ամփոփիչ փուլ**. Այս փուլում կատարվում է անցուդարձ: Ուսուցիչը գնահատում է, քննարկում է, վերլուծում ամբողջ դասարանի աշխատանքի ընթացքը, արդյունքները:

Նպատակահարմար է առաջադրանքի կատարման ստուգման համար առանձնացնել ևս մեկ կառուցվածքային փուլ՝

7. **ստուգիչ փուլ**, որի ընթացքում աշակերտը կատարելով առաջադրանքը՝ ինքն իր սեփական նախաձեռնությամբ ստուգում է իր աշխատանքը և գնահատում այն, այսինքն՝ իրականացնում է ինքնաստուգում և ինքնավերահսկում:

Չետագոտական աշխատանքի վարման տեխնիկային վերաբերող պահանջներ.

1. Թեման պետք է լինի զգացմունքային, հետաքրքրություն առաջացնի ուսման նկատմամբ և դաստիարակի գիտելիքների պահանջարկ
2. Չետագոտության ընթացքում ուսուցչի և աշակերտների գործողությունները պետք է ավարտուն լինեն
3. Ուսուցիչ-աշակերտ փոխհարաբերություններում պետք է լիարժեք շփում լինի, պետք է պահպանվեն մանկավարժական տակտը և մանկավարժական լավատեսությունը:
4. Գործընթացքում պետք է տիրի բարի կամքի դրսևորման և ակտիվ ստեղծարար աշխատանքի մթնոլորտ:
5. Չնարավորության սահմաններում հարկ է փոփոխել աշակերտների գործունեության


տեսակները, լավագույնս համադրել դասավանդման տարբեր մեթոդները և հնարները:

6. Դպրոցում գործող ուղղագրական ռեժիմը պետք է միասնական լինի:

7. Ուսուցիչը պետք է ապահովի յուրաքանչյուր աշակերտի ակտիվ ուսումնառությունը:

Իսկ հիմա փորձենք այս ամենը վերածել հետազոտական աշխատանքի:

Դավիթ Գյուրջինյանի հեղինակած ՄԱՅՐԵՆԻ 4 դասագրքում զետեղված ՄԱՏԵՆԱԴԱՐԱՆ տեքստի ուսումնասիրման ընթացքում իմ առջև դրված նպատակներից է ձևավորել ազգային արժանապատվությունը, հայ լինելու հպարտությունը, հայկականությունը: Միայն այսպես է հնարավոր երեխաներին մոտեցնել ազգային մշակույթի քաղաքականությանը և մշակութային պատմության յուրացմանը:



Նոր նյութի հաղորդումը մեկնարկում է էլեկտրոնային գրատախտակին Մատենադարանի և Մաշտոցի ու Կորյունի արձանախմբի նկարների ցուցադրությամբ:

Հետևյալ հարցերի միջոցով փորձում են հասկանալ, թե աշակերտները որքանով են տեղյակ թեմայից.


-Ի՞նչ շեք է պատկերված:

-Ո՞ւմ արձանախումբն է ներկայացված:

-Ի՞նչ գիտեք Մատենադարանի մասին:

Այս հարցաշարին հաջորդում է դասագրքում գետեղված ՄԱՏԵՆԱԴԱՐԱՆ տեքստի լուռ ընթերցումը, որից հետո կպարզենք, թե ինչ նոր բան իմացան նյութից:

Տեքստի նորածանոթ բառերին և գիտության ու մշակույթի բնագավառներին ծանոթանալուց հետո ևս մեկ անգամ անդրադարձ կկատարենք տեքստի բովանդակությանը, այս անգամ ԳՈՒՄ աղյուսակի միջոցով:



Գ և **Ս** սյունակները լրացնելուց հետո իմ ու աշակերտների համար ավելի պարզ է դառնում, թե ինչ գիտեին ու ինչ նոր բան սովորեցին այսօր: Զանի որ **ՈՒ** սյունակը մնաց ազատ, ապա փորձենք պարզել, թե ի՞նչ կուզեն իմանալ տվյալ թեմայի շուրջ: Հենց այս հարցի պատասխանն էլ պետք է դրդի ուսուցչին աշխատանքը տանել դեպի հետազոտություն և աշակերտներին մասնակից դարձնել իրենց իսկ առաջադրած կետերը ինքնուրույն ուսումնասիրելուն: Հենց նրանց ցանկությունների վրա հիմնվելով էլ փորձում եմ աշակերտներին առաջադրել հետաքրքիր հիմնահարցեր ու ենթահարցեր՝ հետազոտական աշխատանքն ավելի համակարգված կազմակերպելու և նրանց մեջ պրպտողականություն սերմանելու համար: Այս փուլում կարևոր է կրտսեր դպրոցականներին բացատրել, որ այն գիտելիքը, որը ինքնուրույն պրպտելու արդյունքում է ձեռք բերվում, ավելի արժեքավոր ու մնայուն է:

Հաջորդ դասին, երեխաների ցնականությունները հաշվի առնելով, առաջարկվեց ՄԱՏԵՆԱԴԱՐԱՆ թեման է՛լ ավելի մանրամասն հետազոտելու երեք ենթաթեմա՝

1.ՄԱՏԵՆԱԴԱՐԱՆ. ԴԱՏՄԱԿԱՆ ԱԿՆԱՐԿ



2.ՁԵՌԱԳԻՐ ՄԱՏՅԱՆՆԵՐ



3.ՄԱՏԵՆԱԴԱՐԱՆԻ ԳՈՒՅՆԵՐԸ



Երեխաներին առաջարկվում է բաժանվել երեք խմբի: Նրանց քանակով պատրաստված քարտերը կօգնեն գտնելու իրենց խմբակիցներին:

Յուրաքանչյուր քարտի վրա ենթաթեմային համապատասխանող նկար կա, որն էլ հուշում է, թե տվյալ խումբը որ թեմայի շուրջ է աշխատելու: Հաջորդ փուլում, երբ արդեն կազմավորված են խմբերը, աշակերտներն ստանում են ավելի համակարգված ուղղորդումներ:

<<Մատենադարան. Պատմական ակնարկ>>

թեման ներկայացնող խումբը հետազոտության ընթացքում պետք է պարզի՝

1. **Ինչպե՞ս է սկսվել Մատենադարանի ստեղծման պատմությունը:**
2. **Ի՞նչ նշանակալից տարեթվեր կան՝ կապված Մատենադարանի հետ (5-րդ դար կամ Ոսկեդար, 1921 թ.՝ Էջմիածին, 1939 թ.՝ Երևան, 1945-1957 թթ. կառուցում, 1962թ.անվանափոխում Մ.Մաշտոցի անունով):**
3. **Քանի՞ մասնաշենք ունի Մատենադարանը:**
4. **Ովքե՞ր են ճարտարապետները:**
5. **Ո՞ր թվականից է Մատենադարանը գրանցված ՅՈՒՆԵՍԿՕ-ի համաշխարհային հիշողության ցանկում:**
6. **Ի՞նչ գործառույթ ունի ՅՈՒՆԵՍԿՕ-ն:**
7. **Ի՞նչ է թվայնացումը:**

**8. Ո՞րն է Մտենադարանում պահված
Նյութերի թվայնացման նպատակը:**

<<Ձեռագիր մատյաններ>> թեման
հետազոտող խմբի հարցերն են՝

1. **Ի՞նչ է ձեռագիր մատյանը: և ի՞նչ
Նյութերից էր պատրաստվում:**
2. **Ովքե՞ր են գրիչները:**
3. **Ո՞ր թեմաներով էին Մաշտոցի ու
Նրա աշակերտների կողմից
արված առաջին
թարգմանությունները:**
4. **Ո՞րն է հայերեն թարգմանված
առաջին նախադասությունը:
Բացատրե՛ք նրա գլխավոր
միտքը:**
5. **Ձեռագրի ի՞նչ տեսակներ են
հանդիպում մատյաններում
(երկաթագիր, շղագիր,
նոտրգիր...):**
6. **Ձեռագրի ո՞ր տեսակից է մեզ
հասել այսօրվա գրչի գաղափարը:**
7. **Որո՞նք են Մատենադարանի
ամենամեծ ու ամենափոքր
մատյանները:**
8. **Ինչպե՞ս <<Մշո ճառընտիրը>>
հասավ Հայաստան:**

Երրորդ խումբը պետք է հետազոտի

<<Մատենադարանի գույները>> թեման:
Առաջադրվող հարցերն են՝

1. **Ի՞նչ է մանրանկարչությունը և
ո՞րերորդ դարում է զարգացել:**
2. **Հիմնականում ո՞ր թեմաներով էին
նկարագարողվում ձեռագիր
մատյանները:**
3. **Ովքե՞ր էին ծաղկողները:**
4. **Ինչերի՞ց ու ինչպե՞ս էին ստանում
գույները:**
5. **Ո՞ր մանրանկարչի արձանն է լրացնում
Մատենադարանի վերին հարթակում
տեղակայված արձանաշարքը:**
6. **Ի՞նչ գիտեք Թորոս Ռոսլինի և Սարգիս
Պիծակի մասին:**

**7. Ո՞ր գույնն էր համարվում արքայական
և ինչո՞ւ:**

**8. Ի՞նչ հետաքրքիր փաստեր
կներկայացնեք որդան կարմիրի մասին:**

Չինվելով վերոնշյալ ուղղորդող հարցերով՝ խմբերն սկսում են իրենց հետազոտումը: Յուրաքանչյուր խումբ ընտրում է համակարգող կամ ավագ, որի հետ միշտ կարող է կապի մեջ լինել ու կազմակերպչական հարցեր ուղղել: Հարցերին ծանոթանալով՝ աշակերտները բաշխում են աշխատանքը և որոշում՝ ով որ հարցի շուրջ է սկսելու հետազոտությունը: Ընտրում ենք շաբաթվա որևէ օր ու լրացուցիչ դասաժամ, որը տրամադրվելու է այս թեմայի շրջանակներում հանդիպումներ ու քննարկումներ կազմակերպելուն:

Կարևոր է, որ սովորողները պարզորոշ պատկերացնեն աշխատանքի նպատակը, դրա կատարման կարգը և կատարեն այն՝ առանց ուսուցչի անմիջական մասնակցության: Այս պահից ուսուցիչը դառնում է դիտորդ, ուղղորդող և վերահսկող:

Մեկ շաբաթ հետո արդեն հետազոտական խմբերը պետք է ներկայացնեն վերոնշյալ հարցերի շուրջ կատարված իրենց փոքրիկ հետազոտությունները: Քննարկումների արդյունքում պարզ կդառնան բացթողումները կամ ավելորդ տեղեկատվությունը: Այսպես աշակերտները կհասկանան, որ կոնկրետ հարցերը ենթադրում են կոնկրետ պատասխաններ, որը կարևոր է ողջ գիտակից կյանքի, կոնկրետ խնդիրների արագ լուծման ու կարևորն անկարևորից տարբերակելու համար: Յուրաքանչյուր խմբի համար նախատեսված արկղիկում տեղ կգտնեն արդեն իսկ հետազոտված նյութերը՝ հաջորդ շաբաթ բացը լրացնելու պայմանով: Մինչ այդ, ես կծանոթանամ բոլոր գրառումներին և նշումների միջոցով կառանձնացնեմ կարևորները: Նաև դուրս կգրեմ նորածանոթ բառերը, որոնց վրա կաշխատենք հաջորդ հանդիպմանը:

Հետազոտական աշխատանքի հաջորդ փուլը գրառումների արդյունքների համակարգումն է, որին հաջորդելու է դաս-էքսկուրսիան Մատենադարանում: Մինչ Մատենադարան գնալը ստեղծվեց լրագրողական խումբ: Երեխաներն իրենք պատրաստեցին հարցեր, որոնք լրագրողները պետք է

ուղղեին իրենց համադասարանցիներին: Եվ իրենց որոշեցին, թե իրենց խմբից ով է լինելու լրագրողը և ով՝ հարցերին պատասխանողը: Հարցերը պատրաստեցին երեք փուլով.

- **Դեպի Մատենադարան քայլելիս (զգացմունքներ)**
- **Մինչ Մատենադարան մտնելը (սպասելիքներ)**
- **Մատենադարանից դուրս գալուց հետո (տպավորություններ)**

Լրագրողական աշխատանքի հղումը կցված է <<**Հավելվածներ**>> բաժնում:

Մատենադարան այցելելուց հետո կիսվեցին տպավորություններով, նույնիսկ լրացրեցին իրենց հետազոտական գրառումները նոր բացահայտումներով: Էքսկուրսիայի նպատակն այն էր, որ սովորողները համոզվեն՝ Մատենադարանում դեռ չբացահայտված շատ գաղտնիքներ կան: Նրանք պետք է արժևորեն և գիտակցեն իրենց ազգային պատկանելիությունը, ճանաչեն ու պահպանեն պատմամշակութային արժեքները: Սերն առ հայրենիք պետք է կրտսեր դպրոցականների մեջ սերմանել նաև ինքնուրույն հայրենիքը ճանաչելու ու բացահայտելու նման հնարավորություններ տալով: Մինչ մեր հետազոտական աշխատանքն ավարտված համարելը, կազմակերպվեց ինքնաստուգում, զրույց երեք խմբերի միջև, որի միջոցով պարզեցինք՝ արդյո՞ք խմբերից յուրաքանչյուրը տիրապետում է մյուս խմբի հետազոտման արդյունքներին: Չէ՞ որ ավարտական դասին ամբողջական աշխատանքը ներկայացվելու է ոչ թե առանձին խմբերի, այլ ամբողջ դասարանի կողմից:

Այս ամենին հաջորդում է ամփոփիչ դասին պատրաստվելու գործընթացը: Յուրաքանչյուր խմբի համակարգող՝ իր օգնականների հետ և իմ հսկողությամբ պետք է պատրաստի սահիկաշար՝ չխախտելով իրենց ուղղված հարցերի հերթականությունը: Արդյունքները գովելի էին. սահիկաշարում նույնիսկ փոքրիկ տեսանյութեր էին գետեղել Մատենադարանի երկու ճարտարապետների՝ Մարկ Գրիգորյանի ու Արթուր Մեսչյանի, մանրանկարիչներ Թորոս Ռոսլինի ու Սարգիս Պիծակի և մագաղաթի ստեղծման մասին:

	<p>Ամփոփիչ կամ փորձարարական դասին կրտսեր դպրոցականները մեծ ոգևորությամբ ներկայացրին իրենց կատարած հետազոտական աշխատանքն ու թեմատիկ սահիկաշարերը: Սիրով կիսվեցին առաջին անգամ կատարված նմանատիպ աշխատանքի մասին իրենց տպավորություններով ու խոստացան, որ դեռ շարունակելու են ուսումնասիրել ու հետազոտել Մատենադարանը:</p> <p>Գնահատման համար ընտրեցի վիկտորիա անցկացնելու տարբերակը: Խմբերն իրենք պետք է պատրաստեին հարցերը: Սա ևս մեկ հնարավորություն է համոզվելու, որ սովորողները լիովին տիրապետում են հետազոտված նյութին և կարողանում են պատասխանել զուգահեռ խմբից իրենց ուղղված հարցերին:</p> <p>Ինքնուրույնության ձևավորումը հնարավորություն է տալիս երեխաներին ձեռք բերել նորը ճանաչելու, բացահայտելու, ինքնակրթվելու ցանկություն և այդ ամենը դարձնելու իր կյանքի կարևորագույն օրինաչափություններից մեկը:</p>

Եզրակացություններ, առաջարկություններ

<p>Վերհանված արդյունքներ, եզրակացություններ, պատասխան հետազոտական հարցին</p>	<p>Իմ կատարած հետազոտության արդյունքում գալիս եմ հետևյալ եզրակացության՝ կրտսեր դպրոցականի ինքնուրույնությունը չի կարող ձևավորվել ինքն իրեն, անհրաժեշտ է ուղղորդում ու վերահսկում, և դրանում հսկայական դեր ունի ուսուցիչը: Աշակերտի կողմից անցկացված հետազոտական աշխատանքը նպաստում է ինքնուրույնության ձևավորմանը՝ որպես անհատական որակ: Ինքնուրույն աշխատանքները զարգացնում են սովորողների տրամաբանությունը, ճանաչողությունն ու ակտիվությունը:</p>

Օգտագործված գրականության ցանկ

<https://www.google.com/url?sa=t&source=web&rct=j&opi=89978449&url=https://library.fes.de/pdf-files/bueros/georgien/16023.pdf&ved=2ahUKEwiYsPb-q9SBAxU8RvEDHWu3BN8QFnoECAsQAQ&usq=AOvVaw2hRPJDpiz30RhPVZxVcMvr>

<https://www.google.com/url?sa=t&source=web&rct=j&opi=89978449&url=https://innostud.am/application/library/5ced296a.pdf&ved=2ahUKEwiYsPb-q9SBAxU8RvEDHWu3BN8QFnoECBcQAQ&usq=AOvVaw19F4V5X6s9OwW5MFi4dkqu>

Հավելվածներ

Չափվածությունների կազմակերպում

- Չափվածությունների կազմակերպում (հարցաթերթիկներ կամ այլ)
- Նկարներ
- Արդյունքներ

Աշակերտների լրագրողական խմբի աշխատանքը.

<https://youtu.be/5fIdLTaTpus?si=PcOzIPzIHuo5CX34>